

Skipulagsfulltrúi uppsveita Árnессýslu  
Pétur Ingi Haraldsson  
Dalbraut 12  
840 Laugarvatn



Reykjavík, 27. júní 2011  
Tilvísun: UST20110300168/ksj

## Lýsing á skipulagsverkefni. Tillaga að breytingu á aðalskipulagi Grímsness- og Grafningshrepps 2008 - 2020. Ásborgir, 28 ha í landi Ásgarðs.

Vísað er til erindis skipulagsfullrúa uppsveita Árnессýslu er barst 30. mars sl. þar sem óskað er umsagnar um lýsingu vegna aðalskipulagsbreytingar á um 28 ha svæði í landi Ásgarðs, svæði sem nær yfir íbúðasvæðið Ásborgir í Grímsnes- og Grafningshreppi.

Breyting á staðfestu aðalskipulagi felst í því að íbúðasvæði breytist í blandaða starfsemi íbúðasvæðis og verslunar- og þjónustusvæðis.

### Náttúruminjar

Í breytingartillögunni er gert ráð fyrir að heimilt verði að nýta íbúðarhús á svæðinu sem veitinga- og/eða gistihús. Landið liggur við Sog og er kjarri vaxið hraun. Norðan við svæðið rennur Búrfellslækur sem tilheyrir svæði á náttúruminjaskrá. Í skránni segir m.a. um lækinn: „Fallegir lækir í hraunjaðri í grennd við ört vaxandi sumarhúsabyggð.“

Einnig er á svæðinu kjarri vaxið hraun og nýtur hraun sérstakrar verndar skv. 37. gr. laga nr. 44/1999. Einnig bendir Umhverfisstofnun á að árið 2007 kom út hjá Umhverfisráðuneytinu skýrsla sem ber nafnið „Vernd og heimt íslenskra birkiskóga“, en skýrslan fjallar um tillögur hvað varðar vernd og endurheimt birkiskóga á Íslandi. Í umfjöllun um endurheimt birkiskóga segir í skýrslunni: „*Við framkvæmdir ætti meginreglan að vera sú að hlífa birkiskógum við raski en sé annars ekki kostur skuli endurheimta birkiskóglum í stað þess sem eytt er.*“ Einnig kemur fram í stefnumörkun íslenskra stjórvalda Velferð til framtíðar, Sjálfbær þróun í íslensku samfélagi, að: „*Forðast verði eins og kostur er að skerða frekar votlendi, birkiskóga og önnur lykilvistkerfi Íslands.*“ Að mati Umhverfisstofnunar ætti að forðast alla röskun hrauns og birkiskóga ef þess er nokkur kostur.

### Uppbygging á svæðinu

Samkvæmt skipulagssjá eru nú þegar 10 hús risin á ofangreindu svæði sem breytingartillagan nær yfir. Ef af breytingartillögunni verður, mun umferð um svæðið, sérstaklega yfir

sumartímann aukast, og því eru meiri líkur á áníðslu á náttúruminjum á svæðinu. Umhverfisstofnun mælir ekki gegn þeirri breytingu á landnotkun á svæðinu sem í tillögunni felst, þ.e. að íbúðasvæði að Ásborgum verði breytt í blandaða starfsemi íbúðasvæðis og verslunar- og þjónustusvæðis, en bendir á að gestir munu sækja í nærumhverfið og því er mikilvægt að í deiliskipulagi verði hugsað fyrir göngustígum um svæðið og stýringu á umferð ferðamanna, svo gestir geti notið umhverfisins án þess að raska náttúruminjum.

Virðingarfyllst

Olafur A. Jónsson

Deildarstjóri

Kristín S. Jónsdóttir  
Kristín S Jónsdóttir  
Sérfræðingur

Skipulagsstofnun